




KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	METRO AHAD		
TARIKH	:	19/9/2021 (AHAD)	MUKA SURAT	: 2
JABATAN	:	JMG		





KEADAAN tanah runtuh di Kemensah Heights.

103 penduduk dipindahkan

Ampang Jaya: Seramai 103 penduduk kejadian tanah runtuh di dua lokasi di Jalan Kemensah Heights di sini, sudah dipindahkan dari kediaman mereka, kelmarin.

Ketua Polis Daerah Ampang Jaya, Asisten Komisioner Mohamad Farouk Eshak berkata, semua penduduk dipindahkan sejak kelmarin bagi menjamin keselamatan mereka kerana dikhuatiri kejadian runtuhan kembali berulang.

Menurutnya, pihak berkuasa tempatan (PBT), Majlis Perbandaran Ampang Jaya (MPAJ) menutup tanah runtuh dengan kanvas terlebih

dahulu sebelum sebarang kerja dapat dilakukan.

"Jabatan Mineral dan Geosains turut melakukan pemeriksaan dan kajian untuk mengetahui penyebab tanah runtuh.

"Seramai sembilan pegawai dan 39 anggota polis ditempatkan di lokasi kejadian ini bagi mengawasi sebarang pergerakan dan keselamatan penduduk," katanya ketika ditemui di lokasi kejadian, semalam.

Mohamad Farouk berkata, langkah itu bagi menjamin keselamatan semua termasuk mereka yang mendiami ka-

wasan berhampiran dan kita tidak membenarkan sebarang pergerakan kepada mereka yang datang dari luar kawasan ini.

Beliau berharap orang ramai dapat memberikan kerjasama sepenuhnya dalam hal ini dan mematuhi segala arahan yang ditetapkan sehingga keadaan disahkan selamat untuk didiami.

Harian Metro sebelum ini melaporkan dua puluh lapan keluarga dari 19 rumah teres dua tingkat di Kemensah Heights di sini dipindahkan ke pusat pemindahan sementara susulan tanah runtuh.





SEBUAH kediaman yang musnah dalam kejadian tanah runtuh di Kemensah Heights.

Oleh Raja Noraina Raja
Rahim dan Muhaamad
Hafis Nawawi
am@hmetro.com.my

Ampang

“**K**etika kejadian saya berada di dalam bilik sebelum terdengar bunyi seperti meletup dan menyangka anak sedang memasak kerana ketika itu dia berada di dapur namun terkejut apabila dia berlari ketakutan memberitahu ada pokok tumbang di belakang rumah.”

Begitu kata mangsa tanah runtuh di Kemensah Heights, di sini, Suhaimi Sulaiman, 61, menceritakan detik cemas kejadian terbabit.

Suhaimi mengakui, sebelum kejadian kawasan terbabit memang berlaku hujan, tetapi sudah lama berhenti.

Menurutnya, dia ketika itu berada di dalam bilik sementara anaknya berada di dapur.

“Namun, sekitar jam 9.15 malam tadi (kelmarin) saya terdengar bunyi seperti meletup dan menyangka anak yang berada di dapur memasak.”

“Saya kemudian bertanya kepada adik (anak) dia memasak apa, tetapi tiba-tiba dia berlari ketakutan dan memberitahu pokok (dari atas bukit) dah jatuh betul-betul di

TANAH RUNTUH DI KEMENSAH HEIGHTS

CEMAS DENGAR ‘LETUPAN’



Ketika itu juga saya melihat jiran menjerit ketakutan dan terus berlari keluar dari rumah kerana panik”

Zul Hafiz

belakang rumah sehingga boleh dicapai dengan tangan,” katanya.

Katanya, runtuhannya tanah itu juga menutup laluan air sungai di belakang rumah yang disewa sejak 2011 menyebabkan air naik.

Sementara itu, penduduk lain, Zul Hafiz Suhaimi, 27, berkata, ketika itu dia dengar

seperti orang menarik meja dan disusuli dentuman kuat seperti guruh di belakang rumah.

“Apabila keluar, saya lihat pokok buluh dari atas bukit berada betul-betul di tingkap dapur.”

“Ketika itu juga saya melihat jiran menjerit ketakutan dan terus berlari keluar dari rumah kerana panik,” katanya.

Dia yang tinggal di rumah itu bersama ibu bapa serta adik terpaksa menumpang sementara di rumah saudara.

Portal Harian Metro semalam melaporkan 28 keluarga dari 19 rumah teres dua tingkat di Kemensah Heights di sini dipindahkan ke pusat pemindahan sementara susulan tanah runtuh.